



SAKSPAPIR

Saksnr	Utval	Type	Dato
12/2019	Kommunestyret	PS	04.03.2019

Sakshandsamar	Arkiv	ArkivsakID
Åse Elin Myking	FE-026	18/677

LØYPEMELDING - UTGREIING AV INTERKOMMUNALT SAMARBEID MED KOMMUNAR I NORDHORDLAND - ORIENTERINGSSAK

Rådmannen sitt framlegg til vedtak:

Saka vert tatt til orientering.

Kommunestyret - Sak 12/2019

KOM - Behandling:

Bjørn Øivind Krogsrud og Magne Hestad stilte spørsmål ved sin habilitet i saka.

- I medhald av fvl §6 1.ledd punkt c) vedtok kommunestyret samrøystes at Bjørn Øivind Krogsrud er ugild i saka
- I medhald av fvl §6 2.ledd vedtok kommunestyret samrøystes at Magne Hestad er ugild i saka

Framlegg frå Eirik Haga på vegner av AP, SV, KRF, SP:

Vaksdal kommunestyre ser positivt på å få utgreidd eit utvida samarbeid om oppgåver, men vil presisera at for Vaksdal kommune gjeld:

- 1. Dette samarbeidet skal sikra tryggleiken for at oppgåvene vert løyste i samtlege kommunar ved t.d. sjukefråver og liknade.*
- 2. Den enkelte arbeidstakar skal ha sin arbeidsplass i den kommunen vedkomande arbeider i, i tråd med tilsetjingsvilkåra.*
- 3. Arbeidsgjevaransvaret for våre tilsette no og i framtida skal liggja til Vaksdal kommune.*
- 4. Aldri skal organiserast som eit oppgåvefelleskap etter §19.1 i ny kommunelov, vertskommunesamarbeid eller eit interkommunalt selskap (IKS)*

Det er eit mål for kommunestyret å ta vare på og vidareutvikla kompetansen til dei som allereie er tilsette i Vaksdal kommune, slik at dei vert lengst mogleg i arbeid.

Kommunestyret tek endeleg avgjerd om Vaksdal kommune skal gå inn i samarbeidet eller ikkje, når alle sider ved saka er ferdig utgreidd.

Vidare ber kommunestyret rådmannen følgja opp pålegget frå kommunestyret om drøfta saka med dei tillitsvalde, og leggja fram alle aktuelle dokument i saka inkludert rapport frå forprosjektet.

Kommunestyret ber rådmannen presentere alle prosjekt administrasjonen deltek i regionsamarbeidet

til neste møte, herunder mandat og mål, og legge fram referat frå rådmannsforum og regionråd som meldingssaker til kommunestyret frå og med 1.januar 2019.

Framlegg frå Boris Groth, FRP:

Vaksdal kommunestyre ser positivt på å få utgreidd eit utvida samarbeid om oppgåver, men vil presisera at for Vaksdal kommune gjeld:

1. Dette samarbeidet skal sikra tryggleiken for at oppgåvene vert løyste i samtlege kommunar ved t.d. sjukefråver og liknade.
2. Den enkelte arbeidstakar bør ha sin arbeidsplass i den kommunen vedkomande arbeider i, i tråd med tilsetjingsvilkåra.
3. Arbeidsgjevaransvaret for våre tilsette no og i framtida bør liggja til Vaksdal kommune.
4. Organisering som t.d. eit oppgåvefellesskap etter §19.1 i ny kommunelov, vertskommunesamarbeid eller eit interkommunalt selskap (IKS) bør unngås, og utredninga bør om mogleg fokusera på samarbeid mellom kommunane utan før nemde organiseringar

Det er eit mål for kommunestyret å ta vare på og vidareutvikla kompetansen til dei som allereie er tilsette i Vaksdal kommune, slik at dei vert lengst mogleg i arbeid.

Kommunestyret tek endeleg avgjerd om Vaksdal kommune skal gå inn i samarbeidet eller ikkje, når alle sider ved saka er ferdig utgreidd.

Vidare ber kommunestyret rådmannen følgja opp pålegget frå kommunestyret om drøfta saka med dei tillitsvalde, og leggja fram alle aktuelle dokument i saka inkludert rapport frå forprosjektet.

Kommunestyret ber rådmannen presentere alle prosjekt administrasjonen deltek i regionsamarbeidet til neste møte, herunder mandat og mål, og legge fram referat frå rådmannsforum og regionråd som meldingssaker til kommunestyret frå og med 1.januar 2019.

Røysting:

Framlegg til vedtak frå rådmannen vart sett opp mot framlegget frå Eirik Haga - framlegget frå Eirik Haga vart samrøystes vedteke.

Så vart framlegget frå Eirik Haga sett opp mot framlegget frå Boris Groth - framlegget frå Boris Groth fekk 1 røyst (FRP) og fall.

KOM - Vedtak:

Vaksdal kommunestyre ser positivt på å få utgreidd eit utvida samarbeid om oppgåver, men vil presisera at for Vaksdal kommune gjeld:

1. Dette samarbeidet skal sikra tryggleiken for at oppgåvene vert løyste i samtlege kommunar ved t.d. sjukefråver og liknade.
2. Den enkelte arbeidstakar skal ha sin arbeidsplass i den kommunen vedkomande arbeider i, i tråd med tilsetjingsvilkåra.
3. Arbeidsgjevaransvaret for våre tilsette no og i framtida skal liggja til Vaksdal kommune.
4. Aldri skal organiserast som eit oppgåvefellesskap etter §19.1 i ny kommunelov, vertskommunesamarbeid eller eit interkommunalt selskap (IKS)

Det er eit mål for kommunestyret å ta vare på og vidareutvikla kompetansen til dei som allereie er tilsette i Vaksdal kommune, slik at dei vert lengst mogleg i arbeid.

Kommunestyret tek endeleg avgjerd om Vaksdal kommune skal gå inn i samarbeidet eller ikkje, når alle sider ved saka er ferdig utgreidd.

Vidare ber kommunestyret rådmannen følgja opp pålegget frå kommunestyret om drøfta saka med dei tillitsvalde, og leggja fram alle aktuelle dokument i saka inkludert rapport frå forprosjektet.

Kommunestyret ber rådmannen presentere alle prosjekt administrasjonen deltek i regionsamarbeidet til neste møte, herunder mandat og mål, og legge fram referat frå rådmannsforum og regionråd som meldingssaker til kommunestyret frå og med 1.januar 2019.

Saksopplysningar:

Samandrag/konklusjon (kort om saka)

Kommunar som ikkje skal slå seg saman med andre kommunar ser behovet for meir interkommunalt samarbeid om oppgåver. Mange kommunar med små fagmiljø er sårbare med omsyn til kapasitet og kompetanse. I IKT samarbeidet med Nordhordland er det lagt vekt på felles driftsnett, standarisering av system og praksis. Kommunane har med det større mogelegheit for å hjelpe kvarandre og samarbeide om oppgåver. Dette, saman med auka digitalisering, kan framover gje kommunane nye mogelegheiter uavhengig av avstandar og lokalisering.

Vaksdal deltar så langt i utgreiingar av mogeleg samarbeid om administrative funksjonar innan økonomifunksjonar, arkivforvaltning og sentralbord/servicesenter.

Saka vert lagt fram som orienteringssak om framdrift i arbeidet.

Formelt grunnlag

Vedtak i kommunestyresak 40/2018: «*Vaksdal kommune ser behovet for meir interkommunalt samarbeid og vil delta i felles utgreiing om samarbeid med kommunar i Nordhordland. Kommunestyret ber om å bli orientert om framdrifta i arbeidet.*

Ein føreset at saka vert drøfta med arbeidstakarorganisasjonane, og at informasjon og medbestemmelse vert ivareteke».

Vurdering og konsekvensar

Vaksdal deltar så langt i utgreiingar av mogeleg samarbeid om administrative funksjonar innan økonomi, arkivforvaltning og sentralbord/servicesenter.

Arbeidet med å utgreie økonomifunksjonar har kome lengst. Arbeidsoppgåver, ressurser og kapasitet innan desse funksjonane er kartlagt. Kommunane har kompetanse og kapasitet til å drifte desse oppgåvene i dag, men kvar for seg er kommunane sårbare ressursmessig. I 2017 vart det etablert eit fagleg nettverk rundt felles systemløyisingar og økonomimodell med møtepunkt og erfaringsdeling.

Felles fagsystem for rekneskap, løn, innkjøp, HRM og budsjettering i alle kommunane gir oss mogelegheiter. Likt oppsett og bruk av systema for rekneskap og løn er eit godt grunnlag for samarbeid på tvers av kommunar.

Oppsummert etter kartlegginga er vurderinga at det er potensielle gevinster ved ei samarbeid. Det er særleg reduksjon av sårbarheit knytt til fråver og rekrutteringsvanskar, men også ved tidvise

kapasitetsproblem eller behov for kompetanse. I eit felles fagmiljø vil fleire ha same kompetanse og det kan det vera lettare å fordele arbeid og sikre at oppgåvene vert utført innafor gitte fristar. Ein del arbeidsoppgåver vil frametter verte automatisert, i eit større fagmiljø er det lettere å tilpasse seg ei slik utvikling.

Det er grunnlag for å utgreie vidare korleis dette kan gjennomførast og vurdere risiko og konsekvensar. Organisering, kostnader og samarbeidsform må utgreiast. Dette vert utgreidd i den fasen vi no går inn i.

Felles prinsipp for de vidare utgreiinga:

- ein fagleg leiar med ansvar for heilskapen (intern rekruttering)
- inga endring i tilsettingsforhold eller arbeidsstad (ikkje eige rettssubjekt)
- rutine og oppgåveløysinga må harmoniserast. Dei mest optimale og framtidsretta løysingane skal nyttast.

Dei tilsette er informert og involvert løpande gjennom informasjonsmøter, kartleggingsa og i den daglege dialogen. Alle berørte tilsette vil i neste fase vera med i ei lokal arbeidsgruppe som også tillitsvald deltar i. Det har vore tre informasjonsmøter og eitt tidleg drøftingsmøte etter HA del B §§1-4-1 og 1.4.3 med den arbeidstakarorganisasjonen som er representert lokalt.

Mogelege samarbeidsformer etter ny kommunelov er under vurdering. Eit kommunalt oppgåvefellesskap - § 19 (ny kommunelov) synes aktuelt, men pga. ny lov er det behov for juridiske avklaringar før ein kan konkludere. Det skal utarbeidast ein styringsmodell, tenesteavtalar og ein modell for kostnadsfordeling.

Endeleg sak til behandling vert lagt fram for kommunestyret når eit mogeleg samarbeid er tilstrekkeleg utgreidd og eit eventuelt utkast til avtale ligg føre.

Kommunane i Nordhordland har ulike regionale samarbeid og koordinerer ein del saker og prosesser gjennom regionrådet. Vaksdal deltar i ein del samarbeid, men er ikkje del av regionrådet. Ref. meldingssak i FPØ 15.10.2018. Vår saksførebuing vert utført i eigen regi og lagt fram til behandling for kommunestyret på vanleg måte.